

歷代宮闈秘史

登樓
觀燈



岳飛
下獄



隨行司

上海中華書局印行

歷代宮闈秘史 卷六

明朝

納后儀制

正統七年。定皇帝納后之儀。發冊奉迎。制詞云。茲冊某官某女爲皇后。命卿等持節奉冊寶行奉迎禮。正副使詣皇后第。司禮監官嚴整鹵簿。復以奉迎禮入達於女官。女官奏請皇后冠服出閣。女樂前導。宮人擎執擁護。自東階下立香案前。內執事贊四拜畢。請皇后升堂。南向立。主婚者進立於皇后之東。西向曰。戒之敬之。夙夜無違。命畢。退立於西階東向。母進立於皇后之西。東向施衿結帨曰。勉之敬之。夙夜無違。命畢。退立於西階東向。執事奏請乘輿。皇后降階升輿。侍從如儀。內執事導從出門。奉迎儀仗。大樂前行。綵輿次行。正副使隨行。司

禮監官擁導皇后鹵簿冊寶綵輿行。宮人乘轎。內官內使衛護。從大明門中門入。文武百官具朝服於承天門外。東西向立。班迎候輿入承天門。退。皇后輿輅至午門外。鳴鐘鼓。鹵簿止。正副使以節授司禮監官。先後復命。捧冊寶官捧冊寶。傘扇儀仗女樂前導。宮人擁護。皇后輿由奉天門進內庭幕次。捧冊寶監官以冊寶授女官。皇后出輿。由西階進。帝由東階降迎於庭。揖皇后入內殿。內侍請帝詣更服處。具袞冕。女官請皇后詣更服處。更禮服。帝同皇后詣奉先殿行禮。祭畢還宮合盞。是日內官先於正宮殿內設帝座於東。皇后座於西。相向置酒案。於正中稍南。置四金爵兩盞於案上。候謁奉先殿還。內侍女官請帝與皇后各就更服處。帝服皮弁服。陞內殿。皇后更衣從陞。贊請陞座。執事者舉饌於帝與皇后前。女官司尊者取金爵酌酒以進。飲訖。女官進饌。舉饌訖。女官再取金爵酌酒以進。飲訖。進饌。舉饌畢。女官以盞餞酌酒合和以進。飲訖。又進饌。舉

饌畢。內侍奏禮畢。帝同皇帝與內侍女官執事。奏請帝與后就更服處。易常服。皇帝從者。餒皇后饌。皇后從者。餒皇帝饌。

死守京城

帝聞邊報日亟。乃率軍五十萬。親自征討。不數月。卽死亡過半。不得已。班師還。潰于土木。（舊驛有堡在宣化府懷來縣西）掘井二丈餘。不得水。人馬饑渴。敵兵分道自旁近口入。都指揮官軍拒戰終夜。翌日。敵益增。卽圍御營。不得發。殆城旣破。官兵又潰亡四散。帝無奈。下馬據地坐。卒爲敵軍擁之北行。帝入敵營之次日。遣千戶梁貴以袁彬書示懷來守臣。言被留狀。且索金帛。守臣送至京師。以是夜三鼓從西長安門入。太后遣使齎金寶文綺。載以八騎。皇后錢氏盡括宮中物佐之。詣敵營中。請還車駕。羣臣聚哭於朝。議戰守。時京師疲卒羸馬。不滿十萬。人情洶洶。侍講徐理言驗之天象。稽之歷數。天命已去。莫若且幸南。

京尚書胡濙首言不可。侍郎于謙曰：欲遷者可斬。京師天下根本，動則大事去矣。獨不見宋南渡事乎？請速召勤王兵，誓以死守。學士陳循是謙言，力贊之。太監興安厲聲曰：若安陵廟將誰與守？金瑛因叱理出之。議遂定。中外始有固志。

夜有赤光

帝既被額森擁去。入夕。額森將不利於帝。會雷震大作。死其所乘之馬。額森乃止。且帝之寢幄。復有異彩。所居之毳帳。每夜有赤光奕奕繞其上。若龍蟠然。額森見之。又大驚駭。欲以妹追侍帝。帝又卻之。額森愈敬服。自是五七日必進宴。置酒爲壽。稽首行君臣禮。

萬妃小傳

景帝

萬貴妃。小字貞兒。青州諸城人。父貴爲本縣椽史。以坐法謫居霸州。妃四歲入掖庭。爲聖烈孫太后宮人。及笄而妍。充小答應。給事仁壽宮。憲宗爲太子時。見

而悅之。因竊侍太子。旋命司秩改侍太子宮。卽位。吳后以宮人視之。加扑責。吳后廢。王后繼立。鑒吳后事。每捐意優容之。妃亦警敏。善迎帝后意。且籠絡諸嬪御。諸嬪御畏之。無敢忤者。帝嘗游幸諸宮。必令妃袴褶爲前驅。猥褻備至。然猶未立爲貴妃也。成化二年正月。生皇第一子。帝大喜。爲遣中使四出祈祐諸山川之神。三月封貴妃。旣而皇子薨。妃亦自是不再娠。於是大媚忌。絕嬪御進幸。卽偶有進幸者。必藥之。墮其胎。且有從是死者。柏賢妃生悼恭太子暴卒。卽孝宗之生。頂上有寸許無髮。皆藥所中也。時中外洶洶。皆知妃無狀。帝將乏嗣。深憂之。言者每勸上溥恩澤。廣御幸。然未敢顯言妃之妒也。惟給事中李森言及之。而妃寵益甚。初居昭德宮。後移安喜宮。進封皇妃。服物侈僭。在中宮上。會彗星見。六科給事魏元等上疏曰。竊見春來災異迭仍。近者彗星又見東方。光侵臺垣。此皆陰陽相薄之所致也。臣聞陰陽分政。不可參貳。頃傳中宮昭德。彼此

相亢。一若有參貳之者。曩者大學士彭時。禮部尙書姚夔。每以爲言。陛下謂此係內事。朕自處置。臣等聞命以來。屏息傾聽。將半年矣。而處置未聞。但傳尙食所司。昭德進膳。不減中宮。夫宮牆雖深。視聽甚近。衽席雖微。懸象甚著。陛下富有春秋。震位尙缺。豈可以宗廟社稷之大。聽其蠱蔽。而不思固國本安民心哉。不聽。妃益驕恣。凡四方所進獻珍異奇巧。必歸之妃。中宮卽用事。稍忤妃。立見斥逐。妃所親倖者。出外鎮守。如錢能覃勤。汪直。梁芳。韋興。輩皆假貢獻。科民財。中外騷擾。至爲妃求福。凡一切祠廟宮觀齋醮之費。竭水陸輸之。宮中帑藏爲空。帝嘗指語芳興曰。帑藏之空。由汝二人。汝知之乎。芳仰言曰。臣爲陛下造齊天之福。何謂藏空。卽以所建祠宇歷數之。帝曰。我或恕汝。恐後人無恕汝者。蓋指東宮也。芳等退而懼。時帝方鍾愛興王。或爲芳等謀曰。不如語昭德。勸帝易之。立興王。是昭德無子而有子。興王無國而有國。如此則共保富貴無已。豈直

免禍哉。芳然之言於妃。先是東宮生母薨。孝肅皇太后養之。每囑曰。貴妃召爾食。勿食也。既而妃進太子羹。太子却之曰。疑有毒。不食。妃悲曰。是兒數歲卽如是。他日魚肉我矣。氣憤不能語。至是力勸帝易儲。會泰山震。臺官奏東宮有戒心。帝覽奏曰。天意也。事遂寢。二十三年春。帝郊天。大霧。人皆訝之。明日慶成宴罷。帝還宮。忽報貴妃薨。妃體肥。是日以拂子撻宮人。怒甚。中痰死。帝聞報。憮然曰。吾亦安能久乎。輟朝七日。謚曰恭肅端愼榮靖皇貴妃。葬天壽山。初妃父貴都督同知。兄通錦衣衛都指揮使。通妻王氏。出入掖庭。大學士萬安呼邱嫂。朝士倖進者。爭趨通門。妃薨後。其威權亦稍殺矣。

宮內波濤

景帝卽位後。久欲以見濟代太子。而難於發言。會廣西土目黃珌。以私怨戕其兄思明。土知府瑯並滅其家。珌先以功屢擢都指揮使。瑯其庶兄也。瑯老子均

襲官。非玠意。陰令其子率悍卒夜馳。破府城。滅珣家。支解珣父子。瘞之後圃。卽引還。明日玠佯不知走。思明驚哭發喪。而珣僕福童於玠子殺珣時。已見之。并識其從人。脫走訴憲司。巡撫李棠以聞。下有司治其罪。捕玠父子入獄。玠急使其黨至京師行賂。有敎其迎合帝意者。乃上疏請易太子。疏曰。太祖百戰以取天下。期傳諸萬世。往年上皇輕身禦寇。駕陷北庭。寇至都門。幾喪社稷。不有皇上。臣民何歸。今且踰二年。皇儲未建。臣惟人心易搖。多言難定。爭奪一門。禍亂不息。皇上卽循遜讓之美。復全天叙之倫。恐事機叵測。反發靡常。萬一羽翼長。養權勢轉移。委愛子於他人。寄空名於大寶。階除之下。變爲冤讎。肘腋之間。自相殘蹙。此時悔之晚矣。乞與親信文武大臣。密定大計。以一中外之心。絕覬覦之望。疏入。帝曰。萬里之外。乃有此忠臣。卽下廷臣議。且令釋玠罪。明日禮部尙書胡濙集羣臣會議。衆相顧莫敢發言。惟都給事中李侃林聰御史朱英。以爲

不可。尙書王直亦有難色。太監興安厲聲曰。此事不可已。卽以爲不可者勿署名。毋得首鼠持兩端。羣臣皆唯唯署議。於是潞等上言。陛下膺天明命。中興邦家。統緒之傳。宜歸聖子。黃珌奏是制曰可。禮部具儀。擇日以聞。卽日簡置東宮官。越九日更封太子爲沂王。立見濟爲太子。黃后汪氏獨以爲不可。曰。如監國之稱何。帝不從。后以太子杭妃所生。遂讓之。

金刀誣反

御用監阮浪侍上皇於南宮。上皇賜浪鍍金繡袋及鍍金刀各一。浪以與內使王瑤。錦衣指揮盧忠見之。醉瑤酒而竊之。上變言浪傳上皇命。以袋刀結瑤圖復位。帝震怒。下浪瑤獄。詔窮治之。忠筮於術者同寅。寅以大義折之。且曰。此大凶兆。死不足贖。忠懼。佯狂以冀免。商輅及中官王誠言於帝曰。忠病瘋。無足信。不宜聽妄言。傷大倫。帝意少解。乃並下忠獄。坐以他罪。謫廣西立功。錮浪於獄。

而瑤竟磔死。

倒行逆天

初帝既廢前太子而立見濟爲太子。至四年十一月而見濟卒。禮部郎中章綸御史鍾同等入朝。語及前太子沂王皆泣下。因與約疏請復儲。乃上疏曰。父有天下。固當傳之於子。乃者太子薨逝。足知天命所在。今皇儲未建。國本猶虛。臣竊以爲上皇之子。卽陛下之子。沂王天資厚重。足令宗社有託。伏望擴天地之量。敦友于之仁。擇日具儀。復還儲位。實祖宗無疆之休。疏入。帝不懌。越三日。章綸復陳修德弭災十四事。其言惇孝悌云。孝弟者百行之本。願陛下退朝後。朝謁兩宮皇太后。修問安視膳之儀。上皇君臨天下。十有四年。是天下之父也。陛下親受冊封。是上皇之臣也。上皇傳位陛下。是以天下讓也。陛下奉爲太上皇。是天下之至尊也。願陛下于朔望或節日。一幸南宮。率羣臣朝見。以展友于之

情極尊崇之道。又請復汪后於中宮。正天下之母儀。還沂王于儲位。定天下之大本。帝得疏。遂大怒。時日已暮。宮門閉。傳旨自門隙中出。立執綸繫詔獄。未幾并及同倡引主使。拷掠備至。剎那間大風揚沙。天地晝晦。獄得稍緩。令錮之。

阿丑談諧

憲宗

阿丑者。宮中伶官也。善談諧。每于帝前作院本。頗有方朔之風。汪直用事。勢傾中外。一日丑作醉人酗酒。一人佯曰。某官至。酗罵如故。又曰。駕至。酗亦如故。又曰。汪太監來矣。醉者驚迫帖然。傍一人曰。駕至不懼。而懼汪太監何故。曰。吾知有汪太監。不知有天子。時王越陳越媚直。丑復作直持雙斧趨蹌而行。或問故。答曰。吾將兵。惟仗此兩鉞耳。問鉞何名。曰。王鉞陳鉞也。帝微哂。朱永掌十二團營。役兵治私第。丑作儒生高吟曰。六千兵散楚歌聲。一人曰。八千爭之不已。丑徐曰。汝不知二千在保國家蓋房子。帝密遣尙銘察之。保國卽撤工。成化末年。

刑政多頗。丑於帝前作六部差遣狀。命精擇之。既得一人。問其姓名。曰公論。主者曰。公論如今無用。次一人曰公道。主者曰。公道如今亦難行。最後一人曰胡塗。主者首肯曰。胡塗如今儘去得。帝亦微哂而已。

紀妃藏子

紀妃賀人。本蠻土官女。成化中征蠻。妃在俘中。久之。中宮入選。受女史。以警敏。俾守內藏。時萬貴妃寵而妒。他妃幸帝者。皆治使傷妊。卽妊百計使墮。由是他妃勿敢進。帝常行內藏。紀妃應對稱帝意。帝悅之。就藏幸妃。萬貴妃察知。恚甚。至不食。嘿俟數月。令婢鉤胎之。婢謬報曰。病瘕。於是貴妃譖紀妃。帝前。謫居安樂堂。久之。孝宗生。妃使門監張敏溺焉。敏驚曰。帝未有子。今縱不敢使帝知。顧奈何棄之。稍哺粉餌。飴蜜藏之他室。當是時。貴妃雖日伺無所得。且甚秘。至五六歲。尙不敢翦其胎髮。惟吳太后廢居西內。近安樂。獨往來。知其事。時時就哺。

養帝不知也。他日帝召張敏櫛。照鑑嘆曰。冉冉矣。而無子。敏伏地曰。死罪。萬歲見有子。何言無耶。帝叱安得有敏。伏地叩頭曰。有。祇恐不能保耳。倘能保。子現在也。帝曰。吾自能保之。顧安得有。有安在。敏叩頭言狀。帝急起入西內。令召見。使至安樂堂宣旨。紀妃抱孝宗泣曰。事已覺。吾無生矣。兒去見黃袍有鬚者。兒父也。乃爲孝宗易衣置小車中。舁之行。既至。孝宗髮被地。走入帝懷。牽帝衣。帝顧之大喜。且泣下曰。我子也。類我會。其年五月。乾清宮災。外廷憂帝無繼嗣者。稍稍見章奏。帝乃使司禮監懷恩出。謂大學士商輅等曰。主上有子六歲矣。莫之知。因具道故。羣臣聞之皆大喜。卽請爲命名。擬上不稱旨。帝自名之。於是後宮報有子者相繼至。帝乃移妃居永壽宮。數數召飲酒甚歡。貴妃日夜怨泣曰。羣小無狀。不使我知。其年六月。候帝召妃飲。置毒酒中。暴薨。帝追悼之。然知貴妃指使而不敢言。賜諡恭恪莊僖淑妃。張敏懼亦吞金死。

綵燈進獻

鎮守雲南太監錢能獻金銀結絲燈。湖廣太監李又亨獻九寶蓮花燈。掌稅太監王忠獻九獅燈。甘肅巡撫獻九子連環燈。某某太監獻十王燈。十大美人燈。三國故事燈。水滸故事燈。均精巧異常。

諫架棕棚

鳳翔之鱗遊有虎巨者。慷慨有氣節。成化末。貢入太學。適聞萬歲山架棕棚。以備登眺。上疏極諫。憲宗奇之。祭酒費闇不知也。懼其賈禍。合六堂鳴鼓聲罪。以銀鐙鎖之。俄官校至。宣臣至左順門。中官傳旨勞之曰。爾言是也。棕棚拆卸矣。命吏部予七品官。闇大慚。

吟詩得幸

邵貴妃者。興獻王母也。父林洵沙軍。杭俗軍衛多貧人。無業。取民屋等沙淘之。

得金以易食。他人則否。後凡淘沙者。卽非軍。亦皆以軍名之。生一女。鬻于杭鎮守太監。太監愛其慧。爲授書。讀唐詩詩餘數千首。稍長有容色。知禮。太監攜還京。會中宮選掌禮嬪。妃應選。時萬妃妒甚。妃託微疾。居外宮未進也。偶夜坐自詠紅藥詩。憲宗過聞之。大喜。遂召幸。成化十二年。冊爲宸妃。二十二年。進貴妃。生三子。興王祐杭。岐王祐楡。雍王祐標。興王卽睿宗也。興王之國。妃不得從。興王作思親詩。上妃。妃答之。

房中秘術

帝於宮中得疏一小篋。皆論房中秘術。末署曰。臣萬安進。帝命太監懷恩持至閣。曰。此大臣所爲耶。萬安愧汗伏地。不能出聲。諸大臣復劾安罪狀。令恩就安讀之。安數跪起求哀。無去志。恩直前摘其牙牌曰。可去矣。始惶遽歸第。乞休去。安時年七十餘。尙於道上望三台星。冀後用云。

立廟被譏

孝宗

孝宗后張氏。興濟人。父轡。母金夫人。夢月入懷而生。后當適人。其所當通者。忽大病。及選爲太子妃。則前所當適者病已。孝宗卽位。立爲后。頗篤愛宮中同起居。無所別寵。有如民間伉儷然者。轡自都督同知封壽甯伯。其卒也。加贈昌國公。子鶴齡嗣侯。而鶴齡弟延齡亦從都督同知進。封建昌伯。並加保傅。其他羣從。以后故授中書舍人。及錦衣百戶諸宦者。不可勝數。帝又爲后立家於興濟。土木閎麗。明世外戚之甚。無過張氏者。后知大體。不干預政事。而外家稍盛。多側目。帝陰爲之解。山東副使楊茂元以河決論事。言水陰象失職。以后故。后怒甚。必殺茂元。帝爲后徵茂元至。薄謫之。而御史胡獻論延齡鶴齡。帝下之獄。竟解。戶部主事李夢陽言二齡。二齡奏夢陽謗訕。母后當斬。金夫人入泣訴。帝下夢陽詔獄。他日帝與后夜遊南宮。二齡侍酒半。帝召鶴齡膝前解之曰。母使